



Kaba İoh ia ka Jingmap



U Pratap u long u khun jong u jamindar bariewspah. Ki sah ha ka iing kaba heh bad ki don bun ki shakri. U Pratap u ju don ki jaiñ kiba bha tam, ka jingbam bapahuh, bad ruh ka jingnang jingstad—u tip ba ki kmie ki kpa jong u ki ieid eh ïa u, khamtam u kpa jong u.

Hynrei katba u Pratap u dang heh dang san, u la sdang ban kylla. ïa ki jinglong barim baroh um sngewtynnad shuh. Ka iing u kpa bad ki rukom long u kpa ki la sdang ban sngewpyrkhing ïa u. U Pratap u thrang ban ïoh laitulid.

Ha kawei ka sngi, u Pratap u la kyrpad ïa la ka kmie ban leit rah kawei ka jingkyrpad ba kyrpang sha u kpa jong u. Haba u la ïathuh ha ka, ïa kaei kaba u kwah, ka la kynran dien da ka jingsngewtriem. Hynrei u la ïai kyrpad ïa ka haduh ba kan da kular ban kylli. Ka la shim por katto katne sngi, hynrei ha kaba kut ka la wan phai, da ka jingïam bad jingsngewsih.

“Un sa leh ïa kane,” ka la ong, khlem da lah shah shuh ban peit ïa la u khun. “Un sa die shiteng na ka jingdon jingem jong ngi baroh bad un ai noh ïa ka jingïoh pateng jong phi. Hynrei balei, ko khun? Balei?”

U Pratap u sngewbabe khyndiat, hynrei u sngewtynnad ruh kumjuh. Ki jingthmu jong u ki la treikam. Un sa ïoh ïa ka bhah jong u na

ka pisa u kpa khnang ba un lah ban im katba u mon.

Ka jingim phathar awria

U Pratap u la leit noh sha ka nongbah kaba kham heh. U la wai ka iingsah ba rem dor bad u la sdang ban ioh bun ki paralok thymmai. Shen u la pynlong ki jingkhawai kiba pynshoh bieit bad khring ia ki riewspah bad ki riewpawnam. U la thied ki kali, thiah bad ki kynthei bhabriew, bad bam ki jingbam rem dor. U la ioh baroh kat kaba u kwah.

Hynrei ha kawei ka sngi, ki pisa jong u Pratap ki la sdang lut. Da ka jinglehraiñ, u la pan pisa kylliang na ki paralok thymmai jong u, hynrei kyndit kynsan ki khlem jubab ne kren shuh ia u. Um lah shuh ban siew ia ki ram ki shah. Ha kaba khatduh, u trai iing u la pynmih noh ia u na ka ing sah. Khlem pisa bad khlem paralok, shano un leit?

U Pratap u la shu iaid lamwir hapoh ka nongbah, klumar bad khuslai ki jingmut jingpyrkhat. Haba ka sngi ka sep bad la sdang ban dum, la wan ka jingsheptieng. Hangno un thiah? Kaei un bam? Ha ka sien banyngkong ka jingim jong u, u Pratap u la hap ban thiah ha surok, ka kpoh jong u ka kynruh da ka jingthngan.

**Haba ngi la leh bakla ha ka
jingim—wat ki jingbakla
ba khraw ruh—ngi lah
ban phai sha U Blei. Ngim
donkam ban ai jingkñaia ba
har rukom ne leh ki kam
thamula. U Blei U ap ïa ngi
da ki kti ba la kner jong u.**

La wan ka Jingbabe

Ha ki khyndiat sngi kiba bud, u Pratap u la pyrshang wad kam hapoh kata ka nongbah. U la ijot bad jaboh rathai namar ba u thiah ha surok, te kumta ym don uwei ruh u ban ai kam ïa u, lait noh tang uwei u nongpeit ïa kawei ka jaka bam ba tad dor. U Pratap u la trei da ki kynta hangta, ban rah jingbam sha ki nongbam bad ñiad pynkhuid ïa ki miej. U la sngewthngan eh bad thait haduh katta katta. U la pyrkhath kumno ka lah ban long ba ma u, u khun jong u riewspah un hap ban sam jingbam! Haba u nongbam uba khatduh u la mih noh na ka jaka bam, u la leit sha ka jaka shet ban ïarap

sait ki tiar. U la iöhi ia ki pliang hajan ka jaka bret jingbam lem bad u atta ba la iehnoh noh shiteng. U la sngewthngan haduh katta katta ba u la jan shim ia uta u jingbam ba la bret.

Kaei kaba jia ia nga? U la kren bitar ia lade. Wat ki shakri ha iing u kpa jong nga ki don shibun ki atta ban bam pura, bad dang tam ruh. Bad ma nga hangne, nga kwah bam ia kine ki jingbam basah tam jong kiwei!

U la peit seh hajuh ia kita ki tiar ban sait bad u la pyrkhat shi slem bha.

Nga tip kumno ngan leh, u la pyrkhat. Ngan leit phai pat sha i pa bad ngan ong ha u, “Ko pa, nga la leh pop pyrshah ia phi bad pyrshah ia U Blei. Ngam don hok shuh ban long u khun jong me. Sngewbha pynlong ia nga tang kum uwei na ki shakri jong me.”

Khlem da pyndep sait wat tang kawei ruh ka tiar, u Pratap u la ieh ia kata ka jaka bam bad u la sdang ia ka lynti iaid sha la iing.

Ka Jingwanphai sha la iing

U Pratap u la don shibun ki jingpyrkhat katba u dang iaid sha iing. Kumno u kpa jong u un leh ne ong haba un da iöhi ia u? U la iai ban biang bun sien ia kaei kaba un ong ynda la poi iing, hynrei kata kam wanrah jingsuk ha ki jingmut jingpyrkhat jong u. Ha kaba

khatduh, hadien ka jingïaid lynti kaba jngai, u la ïohi ïa ka ïing u kpa jong u naduh na jngai. U la ïaid kham suki ha ka lynti.

Kyndit kynsan, u la ïohsngew ïa ka jingpyrta. U kpa jong u, uba ju long uba jai jai bad don burom eh, u la mareh shabar na la ka ïing. U la wan mareh sha u Pratap bad kdup sbak ïa u. U Pratap u sngew kumba ka dohnud jong u kan pait.

“Ko pa,” u la ong hapdeng ki ummat, “nga la leh pop pyrshah ïa phi bad pyrshah ïa U Blei. Ngam don hok shuh ban long u khun jong phi...”

U kpa pat ikumba u khlem ïohsngew wat tang shikyntien ruh. Ki ummat ki tuid na ki khmat jong u. Kï shakri shakor ha ka ïing ki la ïohsngew ïa kaba la jia bad ki la wan shata.

“Pynkloi!” U kpa u la hukum ïa ki. “Khreh ka kamra jong u! Wanlam ki jaiñ bathymmai na ka bynta jong u! To pynkhreh ka jingkhawai, namar ngin leh kmen lang baroh! Une u long u khun jong nga—u la ïap bad u la im pat; u la jah bad mynta la shem pat ïa u!”

Kaba ïoh ïa ka jingmap


Kane ka long ka jingiathuhkhana kaba la shim na ka pharshi ïa kaba la ïathuh da U Trai Jisu Khrist ban batai kumno ngi lah ban ïoh jingmap na U Blei Nongthaw jong ngi. Haba

ngi la leh bakla ha ka jingim—wat ki jingbakla
ba khraw ruh—ngi lah ban phai sha U Blei
kumba u Pratap u la phai sha la u kpa jong u.
Ngim donkam ban ai jingknia ba har rukom
ne leh ki kam thamula. U Blei U ap ia ngi da
ki kti ba la kner jong u. Ka long ka jingkylla
jong ka dohnud ia kaba U khein kor tam. Ngi
dei ban phla da ka jingsngewrit ia ki pop jong
ngi bad ruh ban sngewsih shisha namar kita
ki pop, bad pan ruh ia ka jingmab. Hato phi
kwah ban ioh mad ia ka kambah jong ka
jingmab ei U Blei? Phi lah ban long uba khuid
mynta, mynta hi, na baroh kita ki kam sniew
kiba phi la ju leh. Phi lah ban duwai kumne:

*A Blei, nga sngewsih shisha ia baroh ki
pop jong nga. Sngewbha mab ia nga bad
pynkhuid ia nga na baroh ki jinglong bym-
khuid namar ka jingkheinduh bakhraw jong
U Trai Jisu Uba long U Khrist. Pynlong ia nga
u briew uba thymmai. Amen.*

Lada phi kwah ban tip kham bniah
shaphang ki jinghikai U Trai Jisu, sngewbha
peit ia ki phone number sha dien jong kane ka
kot bad sa phone sha ngi

Jingpule shuh shuh



Scan ia u QR code ban
tip kham bniah.

